



# HERNANIKO EURONET 50/50 PROIEKTUAREN 1. BULETIN ELEKTRONIKOA



## GUZTIOK ELKARREKIN, ENERGIA AURREZTEKO BIDEAN MURGILDUTA



Hernanin 3 ikastetxe gara, Udalaren laguntzari esker, energiaren kudeaketa arduratsuarekin harreman zuzena duen Europa mailako programa honetan parte hartzen ari garenak.

**Ekimen honek ikastolan kontsumitzen dugun energia aurrezte eta eraginkortasuna handitzea bilatzen du eta horretarako ezinbestekoa da ikasleen, irakasleen eta ikastetxeko gainerako eragileen ohituretan eragitea. Egitasmoaren jarraipena egiteko asmoz, **Energia-Taldea sortu dugu** eta bertan,**

protagonismo nagusia ikasleek dute. Aldi berean, gela ezberdinetan energia-arduradunak ere baditugu gainerako ikasleei proiektuan ematen ditugun pausoen berri emateko eta **energiaren erabilierari buruzko ohitura onak zabaltzeko**. Ikasturtea aurrera doan heinean gure eraikinetako energiaren kontsumoa (argindarra, berogailua, ur beroa) ezagutzen joango gara eta ikasturte amaieran energia aurrezte lortu dugun ikusteko aukera izango dugu (hau da, **aurrezpenik egon ote den behatzea ere egokituko zaigu** - energiaren aurrezpenaz gain aurrezpen ekonomikoa zenbatekoa den kalkulatuko dugu-). Aurreztutako zenbatekoaren erdia gure ikastolak proposatu eta Energia-taldean adostutako jarduketa edo erosketa batean erabiliko du Udalak, eta beste %50a Hernaniko Udalak erabiliko du energiaren arloko hobekuntzak egiteko Urumea Ikastolan.

**Guztionean parte hartzeari esker, ingurumenaren aldeko apustua egiteaz gain herritar aktibo eta arduratsuetan bilakatzea lortuko dugu.**

2019-2020 ikasturtearen hasieratik hona emandako urrats nagusiak ondorengo berrietan ikus ditzakezue.



## HERNANIKO UDALAREKIN IZANDAKO LANKIDETZA-HITZARMENAREN SINADURA-EKITALDIA

Euronet 50/50 proiektuaren nondik norakoak azaltzeko asmoz, Hernaniko Udalak bilera antolatu zuen, irailaren 24an, Biteri kultur etxean, Ikastetxe ezberdinetako arduradunekin eta Udaleko ordezkariarekin. Lehen urrats horren ondoren, **Hernaniko Alkatea (Xabier Lertxundi) eta euskara eta hezkuntza alorreko zinegotzia (Oier Agirresarobe)**, Udalak izendatutako arduradun teknikoak eta kontratatutako aholkularitza-taldeko kideak **urriaren 8an gura etorri ziren, Urumea ikastolaren eta Udalaren arteko egiteko zein konpromisoak jasotzen dituen ikasturte honetako hitzarmena sinatzera.**

Sinadura-ekitaldian Energia-taldea osatzen duten adin ezberdinetako ikasleek ere parte hartu zuten. Horrela, udal ordezkariari auresku bat dantzatu zieten eta baita ekitaldira begira prestatutako abestia kantatu ere.



## ENERGIA GERTUTIK EZAGUTZEKO SENTSIBILIZAZIO-SAIOAK

Energia zer den gogora ekarri eta berau modu jasangarrian erabiltzeko ohitura onak zeintzuk diren ezagutzeko asmoz, **urriaren 28an Energia-taldeko kideek formakuntza-saio bat izan zuten** ikastolan bertan. Besteak beste, ondorengo edukiak landu zituzten: energia zer den, non dagoen, zein energia-iturri dauden eta nondik datorren kontsumitzen dugun energia, erabilera motak, energia arduraz erabiltzeak dakartzan onurak, eta abar.

**Saioaren ondoren, ikasle bakoitzari energia-inspektorearen diploma banatu zitzaion.**

Bigarren saio batean (urriaren 29an), **Energia-taldeko ikasleek ere energia-ibilbidea osatu zuten** irakasleekin eta Udaleko ordezkari ezberdinekin batera. Ibilbide horri esker ikastolako azpiegitura energetikoa osatzen duten elementu ezberdinak bisitatzeko aukera izan genuen.



## GABONETAN ERE ENERGIARIK EZ ALFERRIK GALDU!

Gogoratu, energia onena kontsumitzen ez dena da! **Gabon garaian** kontsumo-ohiturak orokorrean aldatzen direla kontuan hartuz, **jarrai itzazu gomendio hauek:**

- Gabon-zuhaitzeko eta apaingarrietako argiak soilik bertan zaudenean piztu. Horrela, diru aurreztu eta CO<sub>2</sub> isurpenak murriztu dituzue.
- Kontsumo baxuko argiak erabili, edo eta eraginkortasun handiagoa dutenen alde egin eta progresiboki ordezkatzen joan.
- Erosketak egiterako orduan, baztertu kotxea eta herrian bertan erosi opari zein jakiak. Ibilgailuaren erregaia eta dirua aurrezteaz gain, bertako merkatariek lagunduko dituzu.
- Pilarik gabeko jostailuak oparitu. Eta tresna elektronikoak oparitzuz gero, ziurtatu A+++ , Energy Star edo antzerako etiketa dutela.
- Etxetresnak Stand by egoeran egon daitezten ekidin. Horretarako, erabat itzali direla ziurtatu ezazu, sare elektrikotik erabat deskonektatuta utziaz.
- Hozkailua ireki aurretik, pentsatu ezazu zer hartu nahi duzun. Barruko hotzak ihes egitean energia alferrik xahutzen duzu.
- Hotz eginez gero, edariak kanpoan utzi ditzakezu fresko edukitzeko.
- Sukaldean aritzeko garaian, ez erabili behar baino zartagi edo lapiko handiagoak. Energia gehiago beharko duzu jakiak prestatzeko.
- Ohiko lapikoaren ordez, erabili presio-eltzea. Denbora eta energia aurreztuko dituzu.
- Energia berriztagarriak soilik merkaturatzen dituen banatzaile bati erosi zure etxeko argindarra.
- Egunean etxeko temperatura 19-20 gradu bitartean mantentzea aski da giro egokia izateko. Gauean, berriz, 15-17 gradu bitartean izatearekin aski izango dugu.
- Eguzkia dagoenean gortinak eta pertsianak zabaldu, etxea berez berotu dadin. Gauean, berriz, itxita mantentzeko aski dira 10-15 minutu. Leiuak denbora luzean zabalik utzita etxeko temperatura jaitsi eta berotzeko energia asko xahutu duzu.
- Leiu eta atea ondo ixten direla ziurtatu eta, ahal baduzu, etxeko isolamendu termikoa hobetu.
- Etxetik kanpo zaudenean berogailuak itzali.